

AKHBAR : BERITA HARIAN
MUKA SURAT : 50
RUANGAN : SENTRAL

648 produk makanan tak patuh label dirampas



Penguatkuasa kesihatan Jabatan Kesihatan Negeri Selangor memeriksa label pada produk makanan dalam Ops Khas Akuan Kesihatan, baru-baru ini. (Foto ihsan JKNS)

Shah Alam: Sebanyak 648 produk makanan pelbagai jenis bernilai RM20,560 dirampas dan disita oleh Jabatan Kesihatan Selangor dalam dalam Ops Khas Akuan Kesihatan di seluruh negeri itu pada 17 Oktober lalu.

Pengarah Kesihatan Negeri, Datuk Dr Khalid Ibrahim, berkata produk makanan berkenaan dirampas hasil pemeriksaan di 16 premis jualan, kerana tidak mematuhi keperluan pelabelan produk makanan yang dinyatakan dalam Peraturan-Peraturan Makanan (PPM) 1985.

"Selain daripada merampas produk makanan, sebanyak 10 notis mengikut Seksyen 32B Akta Makanan 1983 bagi pelbagai kesalahan yang boleh dikompaun, dikeluarkan dengan nilai kompaun berjumlah RM30,000.

"Antara kesalahan yang paling ketara dikenal pasti adalah terdapat akuan kesihatan yang tidak dapat disahkan dan mengandungi pernyataan mengenai khasiat sesuatu makanan dalam perawatan atau penyembuhan penyakit tertentu.



Dr Khalid Ibrahim

"Selain itu, perihal penandaan tarikh juga dititikberatkan dengan penjualan atau mengimport produk makanan yang sudah tamat tempoh adalah tidak dibenarkan," katanya menerusi kenyataan media, semalam.

Beliau berkata, perkara lain yang turut diperiksa bagi semua label makanan adalah berkenaan nama dan alamat pengilang yang perlu dinyatakan iaitu bagi produk makanan yang dikeluarkan, disediakan atau dibungkus di Malaysia, label makanan perlu me-

nyatakan nama dan alamat pengilang atau pembungkus atau pendedar.

Katanya, bagi produk makanan yang diimport, label makanan perlu menyatakan nama dan alamat pengilang di luar negara serta nama dan alamat syarikat peng-import di Malaysia.

"Jabatan Kesihatan melalui Bahagian Keselamatan dan Kualiti Makanan (BKKM) mengambil inisiatif dengan menjalankan operasi ini berikutan terdapat lambakan produk kesihatan yang mempunyai akuan kesihatan yang tidak dapat disahkan dan boleh memperdayakan pengguna sehingga mendatangkan kemudarat.

"Objektif operasi ini adalah untuk mengenalpasti kepatuhan akuan yang dibenarkan pada pelabelan produk makanan dan minuman kesihatan yang berada di premis jualan," katanya.

Dr Khalid berkata, operasi berkenaan menyasarkan premis yang menjual produk makanan kesihatan seperti farmasi, kedai jamu dan kedai jualan runcit.

AKHBAR : HARIAN METRO

MUKA SURAT : 15

RUANGAN : LOKAL

29 murid, guru keracunan

Alor Setar: Seramai 29 murid termasuk guru Sekolah Kebangsaan (SK) Iskandar di Jalan Langgar mengalami keracunan makanan selepas diperdayai bersarapan di kantin sekolah berkenaan, semalam.

Pengarah Jabatan Kesihatan Negeri (JKN), Datuk Dr Norhizan Ismail ber-



DR
Norhizan

kata, murid terbabit terdiri daripada 21 lelaki dan tiga perempuan berusia lapan hingga 12 tahun serta empat guru perempuan dan seorang guru lelaki.

Katanya, mereka muntau selepas makan nasi goreng di kantin sekolah jam 7 pagi.

“Pejabat Kesihatan Daeerah (PKD) Kota Setar menerima maklumat daripada Jabatan Kecemasan Hospital Sultanah Bahiyah (HSB) jam 11.30 pagi berkaitan kejadian muntau dalam kalangan murid sekolah selepas makañ makanan Rancangan Makanan Tambahan (RMT).

“Pasukan perubatan dari Klinik Kesihatan Bandar Alor Setar dan Unit Kecemasan

HSB segera ke sekolah dan memberi rawatan. Didapati mereka mengalami keracunan makanan,” katanya dalam kenyataan semalam.

Dr Norhizan berkata, semua pesakit dilaporkan stabil dan dirawat sebagai pesakit luar serta tiada kemasukan ke wad.

Katanya, kantin berkenaan diarah tutup mengikut Seksyen 18(1)(d) Akta Kawalan Penyakit Berjangkit 1988.

“Siasatan lanjut masih dijalankan dan pihak sekolah dinasihatkan supaya terus memantau keadaan murid,” katanya.

Usaha pihak media untuk menemu bual guru besar sekolah berkenaan bagaimanapun gagal kerana tidak dibenarkan masuk ke kawasan sekolah terbabit.